

羅雪堂先生全集

續編
十



羅振玉著

羅雪堂先生全集

續編

(十一)

臺灣大通書局印行

羅雪堂先生全集續編冊十一目錄

滿洲金石別錄續

四三〇五

卷下

北齊

四三〇五

北周

四三四一

隋

四三四三

唐

四三五三

金

四三九六

滿洲金石志補遺

四四一五

滿洲金石志外編

四五〇一

滿洲金石志校記

四六四七

滿州金石志別錄卷下

上虞 羅福頤 校錄

北齊

高建墓誌

高三尺一寸四分廣三尺二寸三十四行行三十四字隸書蓋題齊故齊滄二州刺史高公墓銘篆書

公諱建字興國郭海修人也蓋聞種穀烈山播鴻功於萬世
執圭負海征列國於五侯門守霸風家傳丘社卿相有業文
武不隧雖復世殊三代季易兩京張青蓋以連陰駕朱軒而
結轍曾祖湖燕散騎常侍吏部尚書魏涼州鎮都大將秦州
刺史東阿侯 皇上之高祖也德高王季藩屏殷朝功邁景
皇匡輔魏室祖拔廣昌鎮將燕州刺史毛兵蒲類種充國之
殊勲都督祁連追廣明之茂績久猛鄴善鎮錄事參軍任居

心腹似見取於焚林職參謀議如有求於榜道故以兩河効
祉四岳降靈體識貞華風姿苗爽鳳生一母即有應律之心
麟產十洲便表不羣之志器同竹箭加金羽而益美質類籽
材施丹棗而轉麗用信期友情同俟食以孝事親勤侔視枕
下惟制述信非懈於三餘秉筆屬辭實見竒於五字才堪王
佐不殊林宗之語器爲師表還同馬越之言起家爲馬場大
都督時屬河陝未夷嶠衝尚梗犬羊萬計揃覆五陵而大行
臺介朱天光受賢廟中揚旌聞外公入參謀畫出摧妖旅殲
彼鯨鯢迺爲京觀除靈遠將軍奉車都尉選前將軍太中大
夫既而誅行跋扈寇結晉陽城雉失金湯之固河洛無藩橘
之限災生置閤酷甚漢君禍發桃鄉蠻踰窮后獻武皇帝
觀白肅之戲受赤雀之符眷陞陞以陳罪抗義旗而揃虛公

既地屬維城戚當宗子同心戮力組鉞持戈誅九黎於赤縣
極三苗於白壤玉門除庠俟之警金華奉樂推之君除鎮東
將軍金紫光祿大夫又轉武衛將軍加衛將軍右光祿大夫
号比宋昌轉不因於代邸位方許褚遷豈顗於斬級除驃騎
大將軍散騎常侍才稱簡亮宜居獻可之職詔使勝陪無累
清談之任又除太府卿將軍如故比蹤漢室則與君高連轡
方軌魏朝復共偉臺齊徑除使持節都督齊州諸軍事本將
軍齊州刺史清約自守一物不留聽興無哀便知殺夫之女
持戟問老自變爭山之蟲轉北豫州鎮城都督又勅行滄州
事請租一率民歌賴得決囚三縣帝歎無憂瑞生松木未成
出腹之祉妖見瓊瓌忽有盈懷之歎春秋五十六以天保六
年三月七日薨於晉陽惟公備九能於懷抱圓六德於旬衿

俠書劍之雄規負雲霞之逸氣及時逢孔棘運屬橫流經始
霸圖締構王道獻謀帷幄之衷決勝行陣之間翼厥主於桓
文致其君於堯舜攀龍峻舉附鳳高騫入侍兩宮出臨九列
駕朱駟於大國佩紫綬於名都至如日華飛觀庭燃百枝風
清曲沿水文千葉林施象席階陳鳳爐親友雲屯賓寮霧集
促膝成賞幣帛是將終醺忘疲敬愛斯盡爲月楫於江海作
柱石於廟堂望四輔以連鑣追六佐而齊軫而羽類南海身
闕北芒以其季十月十四日葬於鄴城之西北十里漳水之
陽若夫且丁立誌未毀蜀王之墳三千見銘復記滕公之墓
乃作詞曰

神感華陽業成姜水任征九伯地居四履世經衰盛時遭休
否佩組摩肩乘軒接軌蓋田出玉赤野生珠紐蘭佩芷懷瑾

握瑜文高入室學邁反隅宗稱龍種鄉名鳳雛關陝霧結犬
戎雲聚往事軍門言參幕府除兇六郡獻捷三輔天爵既磨
人官自取狂虜肆虐構禍上京弼諧周漢翼佐昆彭天居克
靜王道載平禁旅攸託蟬冕加榮入當九棘出應万里政似
聖儀化同舛子方調鼎味忽夢辰巳朝哀棄玦鄉悲罷市言
遵國路遂次山門丹旒霞舉素駕雷奔悲風曉勁寒雲夜昏
花石既勒英聲永存

誌稱建字興國曾祖湖燕散騎常侍吏部尚書魏涼州
鎮都大將秦州刺史東阿侯皇上之高祖也祖拔廣昌
鎮將燕州刺史父猛鄯善鎮錄事參軍考建齊書及北
史無傳魏書高湖傳少仕慕容氏為散騎常侍後為征
虜將軍燕郡太守歸魏太祖賜爵東阿侯有四子弟三

子謚生樹生樹生生獻武謚長兄真真弟各拔廣昌鎮
將子猛虎鄴善鎮鋒事子元國次顯國次達武定中驃
騎將軍行滄州事次永國次子國誌之祖拔即傳之各
拔傳與誌不合然傳又稱拔弟睹兒又不作各拔疑傳
衍各字也誌之父猛即傳之猛虎傳殆亦行虎字傳之
達即建字之謚誌稱建曾以齊州刺史轉北豫州鎮城
都督又勅行滄州事與傳所載達之仕履正合則傳為
謚字無疑也建字興國北史齊宗室諸王傳
又誤作建國北齊書宗室傳亦然則并名字為一使無
此誌則無從是正之矣石出漳濱近歸雪堂

雪堂金石文字跋尾

長樂太守靈山傳

皇甫琳墓誌

高廣各一尺七寸七分二十二行行二十二
字正書蓋題齊順陽太守皇甫公銘篆書

齊故直閭將軍負外散騎侍郎鎮東將軍金紫光祿大夫順陽太守廣州大中正皇甫公墓誌銘

君諱琳字洛起安宅朝郡人也秦州史君之嫡孫涇州刺史之仲子太尉真度之堂息幽州寬之兄子其先少昊之苗蒙帝嚳之胤緒遠胄櫛於三墳仁跡著於九德公侯□□卿相罕絕鸞衛二祖聲振漢朝重商兩君璫珎晉世曾祖頌赫連時荊州刺史大將軍大司馬進與鄧禹以連鑣迥與平勃如齊軫祖竒才越二䟽用當觀國貢秀魏庭除北地太守秦州刺史父洪度司徒府參軍事魯陽邑中正隴東太守 詔贈涇州刺史公以先蔭復資天性羽翼未成以發陵霄之氣孝友超殊參閔莫辟屬魏道不安吳楚騰沸止日欲救非公不當遂徵爲都督極靜三鴟荊陽夷恭効彰王府方加茅封忽

遇焚限後除正任秉質權衡蕃伯咸譽朝野同訊年向懸車
 專崇三寶內閑十二口昇彼圻徂為山未周摧樑奄及所壽
 七十有六以天保九年口月廿三日卒於京尹其年十一月
 庚寅朔廿日巳酉遷塋鄴城西北廿餘里思仁之風無極託
 金石如申悲頌曰

滔滔江漢湛湛彼長興由五帝茂歷三王朱衣華黻弈代珪
 璋周秦漢魏豈絕貂璫初安散騎又靜荊陽一居衡石每事
 兼威仕逕八帝軌則四方何期譟竿禍及此良位聞一世忽
 背三光萬機致泣百辟咸傷奄辭東育潛遂西口口口口道
 永記泉鄉

皇甫為西州邵族魏參間史傳著人殊鏗誌敘琳曾祖
 已下皆顯官而史不及載可見其門閥之盛矣唯云鸞

衛二祖聲振漢朝重商兩君璿珣晉世業唐書宰相世
系表皇甫氏出自子姓宋戴公白生公子充石字皇父
孫黈以王父字為氏七世孫遇避地奔魯裔孫鸞漢興
自魯徙茂陵改父為甫故沛皇甫氏之先當自鸞始衛
無攷重晉書有傳字倫叔元康中司空張華版為秦州
刺史商附見重傳為王固長沙王參軍又魏書裴
叔業傳皇甫椿齡子璋璋弟瑒瑒瑒北王間人名以王
旁或即琳弟行歟誌云秦州史君之嫡孫史君即使
君史使古通東魏有敬史君碑周禮女使八人唐石經
使作史禮雜記客使自下注使或為史漢書霍光傳使
樂成小冢子師古曰使者其姓也字或作史宋人別集
使君多作史君

劉黻蒙川遺藁有喜雨呈趙史君諸作唐人集
君和趙友竹呈求仁史君

或反作使君則後人寫刻臆改也誌又云極靜三鷗北
史韋閬傳閬族弟珍守魯陽郡孝文南伐路經珍郡珍
從至清水帝曰今日之舉欲引卿同行但三鷗嶮要非
卿無以守也通鑑地理通釋汝州魯山縣後周置三鷗
鎮韋孝寬陳伐齊二策其一廣州義旅出自三鷗其二
三鷗以北萬春以南廣事屯田預為積貯

韓翃送王君
歸南陽詩雙

免坡東千室吏三
鷗水上一歸人

案北魏魯陽郡屬廣州今河南汝州

魯山縣治在仍魏舊琳為廣州大中正故曰極靜三鷗
以地形攷之適合霄作霄与北在劉碑造象銘首騰霄
月同悠作彼与秦嶧山碑咸思攸長北魏刁遵墓誌彼
彼縣冑同誌後不稱銘而稱頌亦例之變者 又案不
稱銘而稱頌与北魏司馬景和妻隋榮澤縣令常醜奴

墓誌竝同

端方陶齋藏石記

是連公妻邢夫人墓誌

高二尺七寸六分廣二尺六寸七分二十一字正書蓋題齊故是連公妻邢志銘篆書

齊故大都督是連公妻邢夫人墓誌銘

夫人諱阿光河間鄭人也昔載主誓師克翦殷國折珪命氏
佐翰周京市朝亟移不墜文武之業河山屢改仍傳軒冕之
貴祖公義龍驤將軍代郡太守茂績英猷名高邦北父萇山
冠軍將軍武川鎮將弘功盛烈聲振漠南故以芷出而芳蘭
生自馥風姿爽悟識具淹雅幽閑之性得自匈懷窈窕之容
成於進退製錦刺繡實出意而成巧織縑翦綵詎因教以爲
五由是淵德遐聞和聲遠希禮眷外成佐合君子出入帷房
能導師氏之誥施設俎豆不違傳母之則及良人下世自誓

無憊斷機戒子從宅成翁惟兄及弟立勲建節服玄褒以儀
台駕朱輪而刺舉然不死之藥千齡罕值反生之言一朝六
及以皇建元丰十月十六日遘疾卒於鄴城西宣平行土臺
坊中之宅時丰八十三以二丰十一月十九日葬於漳河北
四里之山若夫高山必際名都會化雕翠石以立言揚徽音
而不謝乃作銘曰

珠珍明月玉寶夜光欲知比類獨有才良明詩習禮日就月
將氣芳蘭蕙撝潔冰霜歸配哲人住嬪庭宇恭奉祭祀恪勤
針縷識脊聽輪告無投杼名聞邦國行孚廊廡孀居獨處懷
貞抱潔事同梁義理符陳節烏景難停蟾光易缺始隨雲卷
終追雨絕永辭華屋言渡漳川南瞻帝澗北眺龍山風吹拱
木霜被荒田茲辰一閉方涉千季

邢夫人墓誌壬子冬出磁州南鄉雙廟村

樂陵王墓誌

高廣各三尺零三分二十二行行二十二
字隸書蓋題齊故樂陵王墓誌之銘篆書

齊故樂陵王墓誌銘

王字百季邠海條人也太祖

獻武皇帝之孫肅宗孝昭

皇帝之子崇基峻極遠系悠長運四海而君臨配上靈以
光宅斯乃駟馭百王孕育三古懸諸日月不俟昌言若夫高
陽之子行父稱其忠肅周文之胄崇人謂之恭儉王之育德
隔世玄同爰自弱季含章挺暎止水傳其風鑒瑩玉譬其容
表登山學海虛注實歸帝典王墳功倍師逸故已價傾朱邛
聲洽紫宮始以常山王世子起家散騎常侍文劒橫要清蟬
曜首朱墀俟而增暎翠帳仁以生光及肅宗大漸導揚末命

移寶圖於元子奉神器於唐侯

皇上義重天倫慈深引進備物典冊胥隆焉介大寧初封樂陵郡王食邑二萬戶而穹舅竄惠霧露成疴小年不永善言遽畢所以恨動衣簪悼結旒冕以河清三季中薨於邛弟以歲次甲申三月己未朔二日庫申安厝在於鄴城之西十胥一里武城西北三里刊石下泉式旌餘美乃位銘曰 謚曰

良懷王

蒸我寶業赫矣皇靈世君萬胥家奄四溟仁深驪陸道邁胥庭惟王載誕疊曜重明虹霞麗彩松筠挺秀忠信爲興文史成囿寢門問豎成均齒胄代邛勃興龍闈迴構大歷胥歸靈命攸往遂分夏玉爰宅其壤宸心迺睠列蕃斯仰朱組傍飛玄珮徐響神造冥昧報施多疑輅車乘馬哀以口之煙愁野